

L Ö G

um ráðstöfun eftirstöðva Olíusjóðs fiskiskipa.

FORSETI ÍSLANDS

gjörir kunnugt: Alþingi hefur fallist á lög þessi og ég staðfest þau með samþykki mínu:

1. gr.

Fé, sem innheimt er skv. ákvæðum laga nr. 106/1974 og laga nr. 55/1975, um Olíusjóð fiskiskipa, umfram skuldbindingar skv. sömu lögum svo og aðrar eignir Olíusjóðs fiskiskipa umfram skuldir, skal renna til Tryggingasjóðs fiskiskipa til greiðslu iðgjaldastyrkja vegna tímabilsins 1. janúar 1975 til 15. febrúar 1976.

2. gr.

Lög þessi öðlast þegar gildi.

Gjört í Reykjavík 31. maí 1976.

Kristján Eldjárn.

(L. S.)

Matthías Bjarnason.

L Ö G

um veitingu ríkisborgararéttar.

FORSETI ÍSLANDS

gjörir kunnugt: Alþingi hefur fallist á lög þessi og ég staðfest þau með samþykki mínu:

1. gr.

Ríkisborgararétt skulu öðlast:

1. Albert Hörður Hannesson, nemi á Akureyri, f. í Þýskalandi 25. júní 1960.
2. Arndís Ágústsdóttir, barn í Reykjavík, f. í Þýskalandi 22. janúar 1974.
3. Brooks, Tina April, barn í Reykjavík, f. í Bandaríkjunum 25. ágúst 1972.
4. Candi, Manlio, tæknifræðingur í Reykjavík, f. á Ítalíu 5. september 1933.
5. Cleaveland, Hulda Patricia, barn í Hafnarfirði, f. á Íslandi 11. maí 1970.
6. Collins, William Edward, barn í Ártúni, Ljósavatnshreppi, Suður-Þingeyjar-sýslu, f. í Vestmannaeyjum 9. maí 1971.
7. Douglas, George Robert William, menntaskólakennari í Reykjavík, f. á Norður-Írlandi 8. október 1945.
8. Evensen, Karl Mörk, verkamaður á Akureyri, f. í Noregi 4. júlí 1912.
9. Fisarova, Dana, íþróttakennari í Reykjavík, f. í Tékkóslóvakíu 20. ágúst 1951.
10. Gambrell, Charles Edward, barn í Keflavík, f. í Bandaríkjunum 17. apríl 1972.
11. Gambrell, Gloria Joan, barn í Keflavík, f. í Bandaríkjunum 6. apríl 1971.
12. Horvath, Terezia, ekkja í Reykjavík, f. í Ungverjalandi 21. ágúst 1910.

13. Idland, Karl Olaf, flugmaður í Reykjavík, f. í Noregi 12. mars 1944.
14. Johannesen, Marita Sofia, húsmóðir í Ólafsvík, f. í Færeyjum 7. október 1940.
15. Johannesen, Ruben, verkamaður í Ólafsvík, f. í Færeyjum 8. maí 1936.
16. Johnson, Pétur Snæbjörn, barn í Sólheimum í Grímsnesi, f. í Bandaríkjunum 24. júní 1965.
17. Jörgensen, María Kristín Lund, húsmóðir í Mosfellssveit, f. á Íslandi 31. mars 1949.
18. Kahl, Holger, vélsmiður í Keflavík, f. í Þýskalandi 19. febrúar 1950. Fær réttinn 1. ágúst 1976.
19. Kári Bergsson, barn í Reykjavík, f. í Þýskalandi 12. apríl 1968.
20. Kearns, Christine Carol, barn í Keflavík, f. í Bandaríkjunum 14. febrúar 1970.
21. Kearns, Eric James, barn í Keflavík, f. í Bandaríkjunum 18. febrúar 1971.
22. Kearns, Kimberly Ann, barn í Keflavík, f. í Bandaríkjunum 30. júlí 1966.
23. Kim, Mee Ae, barn á Marbakka í Bessastaðahreppi, f. í Kóreu 14. ágúst 1973.
24. Kinchin, Eric Arthur, símvirki í Reykjavík, f. í Englandi 8. desember 1943.
25. Kolbrún Bergsdóttir, barn í Reykjavík, f. í Þýskalandi 28. apríl 1969.
26. Lareau, Árni Benedikt, nemi í Garðabæ, f. á Íslandi 16. maí 1955.
27. Lång, Maj-Britt Saga Margareta (Aðalsteinsson), húsmóðir í Reykjadal, Suður-Þingeyjarsýslu, f. í Finnlandi 25. október 1933.
28. Luckas, Dieter Maximilian, tannsmiður í Garðabæ, f. í Þýskalandi 13. október 1941.
29. Martinez, Isidoro Ruiz, verkamaður í Vestmannaeyjum, f. á Spáni 4. janúar 1938.
30. McNiff, Joseph Leonard, barn í Keflavík, f. í Bandaríkjunum 29. mars 1971.
31. Maya Jill Einarsdóttir, barn í Reykjavík, f. á Indlandi 28. október 1966.
32. Möller, Edith Ingeborg Elfriede Giesela, verkakona í Reykjavík, f. í Þýskalandi 18. febrúar 1930.
33. Neighbour, Svava Jóhanna, verslunarmær í Reykjavík, f. í Bandaríkjunum 26. maí 1957.
34. Neubauer, Vlastimil, hljóðfæraleikari í Reykjavík, f. í Tékkóslóvakíu 7. mars 1923.
35. Nilsen, Terry, matreiðslumaður í Revkjaskóla í Hrutafirði, f. í Bandaríkjunum 3. júlí 1952. Fær réttinn 23. júní 1976.
36. Óskar Ingi Ágústsson, barn í Reykjavík, f. í Þýskalandi 12. júlí 1972.
37. Petersen, Hulda Sóley, húsmóðir í Reykjavík, f. á Íslandi 9. október 1941.
38. Petersen, Margrét, húsmóðir í Reykjavík, f. á Íslandi 3. febrúar 1947.
39. Petersen, Myrna Johanne, húsmóðir í Reykjavík, f. í Danmörku 26. febrúar 1935.
40. Pope, James Henry, blaðaljósmyndari í Kópavogi, f. í Englandi 13. desember 1946.
41. Ragna Margrét Sigurðardóttir, barn í Kópavogi, f. í Kóreu 1. ágúst 1971.
42. Rigensborg, Emília Kristín, barn í Reykjavík, f. á Íslandi 14. febrúar 1974.
43. Robertson, Robert Petur Niclasen, verkamaður á Akureyri, f. í Færeyjum 11. febrúar 1956.
44. Scheel, Angelika Hulda, húsmóðir í Reykjavík, f. í Þýskalandi 1. mars 1954.
45. Schmidt, Lore Else Charlotte, húsmóðir í Garðabæ, f. í Þýskalandi 4. nóvember 1933.
46. Shwaiki, Mohammad Ali Jamil, verkamaður í Reykjavík, f. í Jórdaníu 29. desember 1943.
47. Skorpel, Edit, húsmóðir í Vestmannaeyjum, f. í Þýskalandi 7. júlí 1934.
48. Stanzeit, Barbara Margarete, húsmóðir í Garðabæ, f. í Þýskalandi 19. maí 1935.
49. Stein, Christel Emma Ilse, húsmóðir á Akureyri, f. í Þýskalandi 24. desember 1935.
50. Torrini, Salvatore, framreiðslumaður í Reykjavík, f. á Ítalíu 9. júní 1946.
51. Zeisel, Ellen Hrefna, barn í Reykjavík, f. á Íslandi 28. desember 1964.
52. Zeisel, Haraldur, barn í Reykjavík, f. á Íslandi 10. júní 1966.
53. Zeisel, Harry, verkamaður í Reykjavík, f. á Íslandi 4. september 1946.

54. Zeisel, Henry, málarameistari í Reykjavík, f. á Íslandi 4. september 1946.

55. Zeisel, Stefán Helgi, barn í Reykjavík, f. á Íslandi 27. apríl 1970.

2. gr.

Nú fær maður, sem heitir erlendu nafni, íslenskt ríkisfang með lögum, og skal hann þá taka sér íslenskt fornafn. Börn hans skulu taka sér íslensk nöfn samkvæmt lögum um mannanöfn.

3. gr.

Lög þessi öðlast þegar gildi.

Gjört í Reykjavík 31. maí 1976.

Kristján Eldjárn.

(L. S.)

Ólafur Jóhannesson.

L Ö G

um jafnrétti kvenna og karla.

FORSETI ÍSLANDS

gjörir kunnugt: Alþingi hefur fallist á lög þessi og ég staðfest þau með samþykki mínu:

1. gr.

Tilgangur laga þessara er að stuðla að jafnrétti og jafnri stöðu kvenna og karla.

2. gr.

Konum og körlum skulu veittir jafnir möguleikar til atvinnu og menntunar og greidd jöfn laun fyrir jafnverðmæt og sambærileg störf.

3. gr.

Atvinnurekendum er óheimilt að mismuna starfsfólki eftir kynferði, og gildir það meðal annars hvað varðar ráðningu og skipun í starf, stöðuhækkun, stöðuheiti, uppsögn úr starfi, veitingu hvers konar hlunninda og almenn vinnuskilyrði.

4. gr.

Starf, sem auglýst er laust til umsóknar, skal standa opið jafnt konum sem körlum. Í slíkri auglýsingu er óheimilt að gefa til kynna að fremur sé óskað starfsmanns af öðru kyninu en hinu.

5. gr.

Nú er umsækjandi um auglýst starf kona, en það hefur verið veitt karlmanni, og skal þá Jafnréttisráð, ef umsækjandi óskar þess, fara fram á það við hlutaðeigandi atvinnurekanda, að hann veiti því skriflegar upplýsingar um hvaða menntun, starfsreynslu og aðra sérstaka hæfileika sá hefur til að bera, er ráðinn var í starfið.

Sama rétt skal karlmaður, sem er umsækjandi um starf, hafa, ef konu er veitt starfið.